

**საქართველოს ორგანული კანონი  
„საქართველოს ეროვნული ბანკის შესახებ“ საქართველოს ორგანულ კანონში  
ცვლილების შეტანის თაობაზე**

**მუხლი 1.** „საქართველოს ეროვნული ბანკის შესახებ“ საქართველოს ორგანულ კანონში (საქართველოს საკანონმდებლო მაცნე, №29, 12.10.2009, მუხ. 159) შეტანილ იქნეს შემდეგი ცვლილება:

**1. 34-ე მუხლის 2<sup>2</sup> პუნქტის შემდეგ დაემატოს შემდეგი შინაარსის 2<sup>3</sup> და 2<sup>4</sup> პუნქტები:**

„2<sup>3</sup>. საქართველოს ტერიტორიაზე ნაღდი ფორმით ანგარიშსწორება ხორციელდება თანხის დამრგვალების პრინციპის საფუძველზე. დამრგვალების პრინციპი გულისხმობს თანხის დამრგვალებას მეტობით ან ნაკლებობით უახლოეს 5-ის ჯერად რიცხვამდე.

2<sup>4</sup>. დამრგვალების მეთოდი და მისი გამოყენების წესი დგინდება ეროვნული ბანკის საბჭოს სამართლებრივი აქტით.“.

**2. 70-ე მუხლის მე-12 პუნქტის შემდეგ დაემატოს შემდეგი შინაარსის მე-13 პუნქტი:**

„13. 2019 წლის 1 იანვრის შემდეგ 1 და 2 თეთრის ნომინალის მონეტების მიმოქცევასთან დაკავშირებული საკითხები რეგულირდება ეროვნული ბანკის საბჭოს სამართლებრივი აქტით.

**მუხლი 2.** 2019 წლის 1 იანვრამდე საქართველოს ეროვნული ბანკის საბჭომ გამოსცეს ამ კანონით გათვალისწინებული სამართლებრივი აქტები.

**მუხლი 3.**

1. ეს ორგანული კანონი, გარდა ამ ორგანული კანონის პირველი მუხლის პირველი პუნქტით გათვალისწინებული ორგანული კანონის 34-ე მუხლის 2<sup>3</sup> პუნქტისა, ამოქმედდეს 2018 წლის 1 ივნისიდან.

2. ამ ორგანული კანონის პირველი მუხლის პირველი პუნქტით გათვალისწინებული ორგანული კანონის 34-ე მუხლის 2<sup>3</sup> პუნქტი ამოქმედდეს 2019 წლის 1 იანვრიდან.